

Izvještaj o radu
Udruženja "Amica EDUCA"

GODIŠNJA SKUPŠTINA

16.03.2009.

S A D R Ž A J

Izveštaj o radu Udruženja "Amica EDUCA" u 2008.godini.....	02
Izveštaj o finansijskom poslovanju Udruženja "Amica EDUCA" u 2008.godini.....	11
Plan rada Udruženja "Amica EDUCA" za 2009.godinu.....	13
Okvirni finansijski plan (budžet) Udruženja "Amica EDUCA" za 2009.godinu.....	16

IZVJEŠTAJ O RADU UDRUŽENJA "AMICA EDUCA" ZA PERIOD PERIOD 01.01. – 31.12.2008.god.

UVOD

Udruženja "Prijateljice obrazovanja Amica Educa" (u daljem tekstu Amica EDUCA) je formalno organizirana, neprofitna i nevladina organizacija smještena u Tuzli, Bosna i Hercegovina (BiH). Organizacija je osnovana u septembru 2006 od strane grupe eksperata u psihosocijalnom radu. **Generalni cilj organizacije** je: doprinijeti razvoju i demokratizaciji BiH kroz razvoj kvalitetnih i različitih edukativnih i socijalnih usluga, mentalnog zdravlja pojedinaca i iniciranje pozitivne zakonske regulative kroz direktnu podršku, primjenu inovativnih pristupa u edukaciji profesionalaca i promociju uloge civilnog društva.

Amica EDUCA implementira projekte na teritoriji cijele BiH, fokusirajući se na sjever, istok i jugoistok BiH. Međutim, primarna teritorija na kojoj Amica EDUCA djeluje je Tuzlanski kanton, najveći u BiH. Organizacija služi širokom spektru korisnika, kao što su ljudi u stanju potrebe za psihosocijalnom podrškom, uglavnom žene, žene žrtve nasilja, manjinske grupe, socijalni radnici, nastavnici, učenici, studenti, profesori na univerzitetu, itd.

U 2008. Amica EDUCA je implementirala projekte financirane od strane partnerske organizacija Amica SCHWEIZ, Institut za međunarodnu suradnju njemačkog saveza visokih narodnih škola (dvv-International), koje su kontinuirano podržavale organizaciju tokom proteklih godina. Ograničena finansijska sredstva su bila obezbjeđena od Kantonalnog i Federalnog ministarstva za obrazovanje i Općine Tuzla.

Od 1996. Amica EDUCA je implementirala brojne projekte/programme, inicijative i medijske kampanje. Prekretnica je **edukacijski program** koji omogućava korisničkim grupama npr. profesionalcima u oblasti obrazovanja, socijalnog rada, psihologije, itd. da nauče inovativne pristupe za grupni i individualni pedagoški i psihosocijalni rad. Amica EDUCA je autor i implementator godišnjeg projekta **Festival cjeloživotnog učenja u BiH od 2000. g** 2006.-te godine, Amica EDUCA je postala član evropske asocijacije za obrazovanje odraslih (EAEA). Još jedan važan projekat koji je Amica EDUCA implementirala je **psihosocijalna podrška pojedincima i porodicama**. Ovaj program Amica EDUCA implementira od 1996.godine. Važno je istaći da se većina edukativnih aktivnosti implementira u 400 m² potpuno opremljenog prostora koji Udruženja posjeduje.

Amica EDUCA ima kompetentan tim eksperata sa dugogodišnjim iskustvom. Osoblje čini tim obučenih profesionalaca u oblasti psihosocijalnog rada, koji ima formalno i dodatno obrazovanje u oblasti socijalnog rada, pedagogije, psihologije i posebnog obrazovanja. Amica EDUCA je projektno osnovana organizacija čije aktivnosti implementira stalno zaposleno osoblje i vanjski suradnici, eksperti u oblastima koje su u skladu sa potrebama određenih projekata.

PROGRAMI AMICA EDUCA-e

Tokom 2008.godine, Amica Educa je nastavila implementaciju programa koji se smatraju esencijalnim dijelom njenog rada. Programi koji su implementirani su slijedeći:

1. Edukativni program koji je implementiran u skladu sa jednim od projektnih ciljeva: "Da doprinese predavljanju inovativnih pristupa, znanja i vještina u psihosocijalnom radu kroz edukaciju profesionalaca i promociju cjeloživotnog učenja".

Seminari i radionice organizirane unutar ovog projekta doprinose jačanju kompetencija profesionalaca i drugih zainteresiranih uključujući studente i omladinu u psihosocijalnom i pedagoškom radu. Teme seminara su: Kreativno izražavanje slikanjem, Porodična dinamika, Nenasilna komunikacija, Plesovi univerzalnog mira i Art-terapija. Ovi seminari su učesnicima ponuđeni kao redovna godišnja ponuda.

Kreativno izražavanje slikanjem

- U aprilu je organiziran napredni seminar za članove tima i vanjske suradnike (voditeljice) koji je vodila gđa. Annegreth Zimmermann, suradnica iz Švicarske. Seminar se fokusirao na temu "Snaga emocija". Osim kreativnog izražavanja slikanjem, seminar je uključivao i elemente nenasilne komunikacije (NVC) koje je predstavila Ivona Erdeljac, voditeljica NVC. Ovaj seminar je bio organiziran sa ciljem da se unaprijede kapaciteti učesnika, odnosno lokalnih voditeljica ove teme.
- Važno je istaknuti projekat "**Tandem Univerzitet – Amica Educa**" koji je bio organiziran za studente Edukacijsko rehabilitacijskog fakulteta u Tuzli. Projektni cilj je podržati edukaciji kroz netradicionalne metode kao i pomoći unapređenje edukativnog sistema predstavljanjem kreativnih metoda u radu sa studentima. Nakon završene edukacije studentima su dodijeljeni certifikati. Seminar je obuhvatio temu "Kreativno izražavanje slikanjem" i organiziran je kao redovna praktična obuka studenata treće i četvrte godine studija i raspored je napravljen u skladu sa školskom godinom. Tako da smo u prvom kvartalu godine završili edukaciju studenata koja je započeta krajem prošle godine. Zahvaljujući novom finansijskom doprinosu partnerske organizacije "Amica Schweiz" nastavili smo projekat i u ovoj školskoj godini organizirajući prvi modul za pet grupa studenata.
- Organizirana su i četiri seminarra za profesionalce na ovu temu i to tri modula za jednu grupu (uvodni modul, napredni modul 1 i napredni modul 2) i uvodni modul za novu grupu polaznika. U toku 2009. godina planira se nastavak i završetak modula za novu, početnu grupu učesnika. Module su vodile lokalne voditeljice ove teme.

Nenasilna komunikacija

- U novembru i decembru organizirana su dva seminarra za nastavnike Osnovne škole "Kisljeak" smještene u ruralnom dijelu Tuzle. Seminari su nosili naziv: "Vještine komunikacije i empatije". S obzirom na to da ova škola ima veliki broj djece romske populacije koja dolaze iz porodica niskog socijalnog statusa i da je u zadnjih nekoliko godina očigledan porast nasilja, fokus je bio na problemima komunikacije nastavnika i djece.

Plesovi univerzalnog mira

- Tokom godine bila su organizirana dva seminarra za nastavnike kulture religije u osnovnim školama koje je vodila Tenzila Hujdur. Bile su obuhvaćene dvije grupe učesnika. Jedna grupa je završila edukaciju (ciklus od tri seminarra) a jedna grupa je započela edukaciju u decembru. Ovi seminarri pod nazivom "Mudrost planete zemlje" obuhvataju participatorni rad sa učesnicima koji postižu znanja i vještine o alternativnim metodama prenošenja znanja. Ove metode su također, primjenljive i u drugim oblastima podučavanja.
- U aprilu je seminar održala gđa. Rafija Andrea Sienglin iz Njemačke uz organizaciju i asistenciju lokalne voditeljice Tenzile Hujdur. Naši lokalni suradnici, Vera Erdeljac i Edin Srabović, su dali svoj doprinos ovim seminarima i proširili svoje iskustvo. Dvije grupe učesnika koji su uglavnom bili nastavnici su imali mogućnost da nauče o svjetskim religijama iz drugačije perspektive, ali isto tako da osjete efekte riječi iz različitih religija koje su se pjevale u pratnji muzike i izvođenje pokreta.
- Plesovi univerzalnog mira su predstavljeni u "Kući plamena mira" gdje je održana jedna sesija sa 40 učesnika, te u Udruženju "Snaga žene" na sesiji sa 10 učesnika. Jedna sesija je bila održana i sa 20 žena oboljelih od raka dojke, članice Udruženja "Tuzlanke".

Porodična dinamika

- Tokom tri dana u maju, organiziran je seminar porodične dinamike za studente socijalnog rada koji je vodila članice tima Ivona Erdeljac i asistiralala Danijela Kojić. Ovo je bio prvi seminar na ovu temu organiziran i vođen od strane lokanih voditeljica. Tokom pripreme seminara sadržaj je pažljivo i detaljno planiran i baziran je na ranije kreiranom curriculumu. Kako je seminar uspješno realiziran i dobro prihvaćen od strane učesnika, u toku naredne godine planira se nastavak ove teme seminara.

Art terapija

- Tokom 2008. godine tri grupe učesnika su započele i završile uvodni seminar u Art terapiju koji se sastojao od tri seminara koji je vodila naša suradnica iz Holandije gđa An Cornelissen. Ukupan broj organiziranih seminara je bio 9. Seminari su bili organizirani za profesionalce iz različitih oblasti rada (defektologe, psihologe, pedagoge, socijalne radnike). Interes je bio veliki te su učešće uzeli i neki profesionalci iz drugih gradova Bosne i Hercegovine: Sarajevo, Goražde, Mostar.

2. Psihosocijalni program je povezan sa sljedećim projektnim ciljevima: "Podržavati pojedince i porodice (posebno porodice sa poremećenom strukturom i odnosima) u stanju psihosocijalne potrebe obezbjeđujući savjetovanje, psihološku podršku i terapiju primjenom inovativnih i alternativnih metoda". Ovaj program uključuje: SOS telefon (otvoren za sve pozivatelje koji su žrtve nasilja u porodici, i druge osobe kojima je potrebna psihosocijalna podrška), individualni psihološki tretmani, kontinuirana podrška za pojedince i porodice kroz alternativni program zaštite mentalnog zdravlja i psiho-higijene koja uključuje aktivnosti kao što su: meditacija u pokretu, Reiki, Yoga, Rekreativna gimnastika, Relaksaciona masaža, Kreativno izražavanje slikanjem za djecu). Sve aktivnosti psihosocijalnog programa se nude na dnevnoj (SOS telefon) ili sedmičnoj bazi.

Statistički podaci o aktivnostima ovog projekta su predstavljeni u tabeli priloženoj iza ovog izvještaja.

Korisnici ovog projekta, odrasle osobe, su osposobljeni da unaprijede vlastitu ličnost razvijanjem svojih socijalnih kompetencija i da se povežu sa drugima u različitim grupnim aktivnostima. Djeca uključena u kreativne radionice imaju mogućnost da nauče i razviju nove načine izražavanja, unaprijede koncentraciju, motivaciju, socijalizaciju, smanje agresivnost i da se druže.

SOS telefon

Linija SOS telefona je otvorena 8 sati dnevno i osigurava hitnu savjetodavnu (uključujući i psihološku) podršku pozivatelju, informacije o organizacijama i institucijama koje mogu da im osiguraju određen vid podrške. Većina poziva (219 od ukupno 302) je povezana sa nasiljem u porodici i odnose se na fizičko nasilje sa elementima psihološke torture. Druga vrsta poziva (83) odnosi se na davanje različitih informacija.

Važan dio ovog projekta je psihološka pomoć kroz individualnu terapiju nakon telefonskog poziva. Cilj je prevencija trauma i zaštita mentalnog zdravlja. U individualne tretmane je bilo uključeno 15 žena i 2 muškarca.

Kreativno izražavanje slikanjem

Radionice za djecu osnovnoškolskog uzrasta se organiziraju u ateljeu Amica EDUCA. Ove godine je u rad bila uključena jedna grupa i radionice su održavane jednom sedmično.

Rekreativna gimnastika i vježbe Yoge kao jedna od redovnih grupnih aktivnosti se organiziraju dva puta sedmično i uključuje tri grupe žena.

Reiki i radionice Plesova univerzalnog mira se organiziraju kontinuirano jednom sedmično sa jednom grupom učesnika.

Relaksacione masaže se implementiraju u skladu sa zakazanim terminom i odvijaju se svaki dan u poslijepodnevnim satima.

Grupni rad sa povratnicama u Snagovu uključuje Plesove univerzalnog mira kako glavni metod rada. Članovi grupe su žene, samohrane majke, koje su izabrale da se vrate u prijašnje mjesto stanovanja nakon što su bile izbjeglice u drugom dijelu zemlje.

Grupni rad sa povratnicama u Tinji je bio organiziran početkom godine i uključivao je ukupno 12 sesija i nastavio se tokom posljednje četiri mjeseca u godini sa dodatnih 12 edukativno-terapeutskih sesija koje su bile organizirane za žene.

Neuroemocionalna integracija(NEI) je nova i revolucionarna metoda emotivne terapije koja vrlo brzo daje rezultate. NEI je efektivan metod za lični razvoj koji ima pozitivan utjecaj na mišljenje, emocije i ponašanje. S obzirom da su dvije članice tima završile edukaciju u 2007. ovogodišnja ponuda Amica EDUCA je uključivala i NEI. Ukupno su tri osobe bile tretirane ovom metodom.

DRUGI PROJEKTI

1. Festival cjeloživotnog učenja u BiH doprinosi postizanju cilja: "Podizanje nivoa javne svijesti o ulozi nevladinog sektora u razvoju civilnog društva kroz promotivna aktivnosti i javno zagovaranje". Ali također, predstavlja promociju obrazovanja odraslih i pokušava da doprinese razvoju sistema obrazovanja odraslih u Bosni i Hercegovini.

Naime, želimo motivirati građane da nastave unaprjeđivati vlastite kapacitete i stručnu edukaciju, naglasimo važnost cjeloživotnog učenja u društvenom razvoju te da utječemo na donošenje zakona o obrazovanju odraslih u Bosni i Hercegovini. Amica EDUCA organizira Festival cjeloživotnog učenja u BiH od 2000.

Aktivnosti Festivala cjeloživotnog učenja u Bosni i Hercegovini 2008 imao je za cilj naglasiti važnost volonterizma u procesu cjeloživotnog učenja. Tokom istraživanja načina i mogućnosti razvoja sistema cjeloživotnog učenja, primijetili smo mnoge slične ciljeve i utjecaje koji su postignuti kroz svjesno učešće u procesu cjeloživotnog učenja i kroz volonterski angažman. Oba procesa značajno ohrabruju društveno učešće, razvoj aktivnog građanstva, razvoj i jačanje ličnih potencijala i na taj način doprinosi bržem zapošljavanju pojedinca.

Kako je bilo planirano u prijedlogu projekta, Udruženje "Amica EDUCA" je ponudila set različitih aktivnosti koje su slijedile fokus Festivala cjeloživotnog učenja u BiH 2008. To su:

- Implementacija edukativnih radionica na temu "Socijalne vještine" za dvije grupe naprednih studenta i postdiplomaca Filozofskog i Edukacijsko-rehabilitacijskog fakulteta Univerziteta u Tuzli,
- Organizacija i realizacija volonterskog angažmana u trajanju jedan mjesec za napredne studente i postdiplomce u različitim nevladinim organizacijama i vladinim institucijama,
- Realizacija centralne aktivnosti Festivala - okruglog stola "Cjeloživotno učenje i volonterizam" (uključujući tri tematske uvodne prezentacije i 38 učesnika/predstavnik vladinog i nevladinog sektora koji rade u oblasti obrazovanja odraslih i cjeloživotnog učenja),
- Promocija projektnih aktivnosti i donatora putem učešća u tematskim emisijama različitih medija (TV, radio, internet, štampani mediji),
- Kreiranje i distribucija promotivnog i informativnog materijala (plakati, afiše i brošura).

Kao i prethodnih godina strateški partner i glavni donator projekta "Festival cjeloživotnog učenja u BiH 2008" je bio Institut za međunarodnu suradnju njemačkog saveza visokih narodnih škola (dvv-International) sa uredom u Sarajevu. Pozitivan iskorak je finansijska podrška obezbjeđenja od Ministarstva civilnih poslova BiH i Federalnog ministarstva pravde. Uključivanje novih vladinih institucija u realizaciju projekta ukazuje na činjenicu da je projekat prepoznat kao kvalitetan i važan za podršku bosanskohercegovačkog procesa tranzicije.

2. "Učimo o ljudskim pravima"

Amica EDUCA je bila partner Udruženju "Obrazovanje gradi BiH" iz Sarajeva u njihovom projektu "Učimo o ljudskim pravima". U sklopu ovog projekta Amica EDUCA je organizirala 3 radionice na temu ljudskih prava za djecu romske populacije.

Na početku projekta, 19. januara, organizirana je press konferencija na kojoj je učestvovala Suada Selimović i imala priliku da predstavi aktivnosti Amica EDUCA.

Na kraju projekta je bio organiziran okrugli sto na temu "Ljudska prava" u Sarajevu gdje su također bili predstavljene projektne aktivnosti nosioca projekta i partnera na projektu. Inicirana je debata o statusu ljudskih prava u Bosni i Hercegovini i raspravljano je o različitim aspektima kršenja i zaštiti ljudskih prava.

3. "Zemlja bez granica - ZEDA"

Tenzila Hujdur je u avgustu aktivno učestvovala na projektu, tačnije manifestaciji, za djecu "Zemlja bez granica – ZEDA" koju je organiziralo Udruženje "Breza" iz Osijeka. Manifestacije je bila organizirana za oko 1000 djece koja su bila uključena u radionice koje su vodili treneri iz Hrvatske i susjednih zemalja. Tenzila Hujdur i njen asistent Edin Srabović su organizirali i vodili radionicu Plesovi univerzalnog mira u dvorani ali i u centru grada Osijeka na otvorenom.

4. Radionica Plesovi univerzalnog mira u suradnji sa organizacijom "Plamen mira"

Tenzila Hujdur, Vera Erdeljac i Edin Srabović su u junu učestvovali u projektu organizacije "Plamen mira" vođenjem Plesova univerzalnog mira za izviđače (djeca i omladina) na gradskom izletištu (Banja). Naime, organizacije "Plamen mira" organizirala različite aktivnosti na otvorenom za izviđače i pozvali su nekoliko organizacija da učestvuju izvođenjem neke od njihovih aktivnosti i na taj način daju svoj doprinos projektu i promoviraju svoje organizacije.

5. Radionica "Ljudska prava i participatorne metode"

Od februara do maja Amica EDUCA je ugostila volonterku iz Finske, Sirja Salminen, studenticu HUMAK Univerziteta koja je radila diplomski rad na temu mladi i rad u zajednici. Ranije je bilo dogovoreno da će joj mentor dati podršku u organiziranju radionice na temu "Ljudska prava i participatorne metode" za studente Univerziteta u Tuzli. U aprilu su, pored ostalih učesnika, dva člana iz tima prisustvovala dvodnevnoj radionici koju je ona vodila i imaju pozitivnu povratnu informaciju na vođenje radionice i temu.

6. Radionica "Vitality management"

U oktobru je bila organizirana dvodnevna radionica na ovu temu za dvije grupe učesnika. Ponuda za ovu radionicu je došla od gđe Machteld Huber, lječnice i geštalt psihoterapeutkinje iz Holandije koja je i vodila radionice. Članovi tima Amica EDUCA-e su učestvovali na radionici zajedno sa ostalim zainteresiranim učesnicima. Sadržaj radionice je bio baziran na objašnjenju o (četiri) različita nivoa koji možemo razlikovati u nama kao ljudskim bićima, od kojih svaki ima svoje vlastite potrebe za pažnjom i svaki od njih doprinosi očuvanju dobrog zdravlja. Možemo se pobrinuti za ove nivoe jednostavnim (unutrašnjim) vježbama koje su bile objašnjene i uvježbane.

7. Radionica "Bajke su slike duše"

Ova radionice je bila organizirana od strane gđe. Sabina Reile, geštalt terapeutkinje i njemačke spisateljice. Sadržaj radionice je uključivao sljedeće: načine pričanja bajki u cilju poticanje mašta djece i odraslih, kako iskusiti, osjetiti i prihvatiti bajke, kako prepoznati simbole u bajkama, kako koristiti bajke u svakodnevnom radu, kako prenijeti radost i povećati kreativnost kroz dramatizaciju bajki.

Učešće članica tima na seminarima, konferencijama, radionicama:

Seminari:

- U maju, Ivona Erdeljac pohađala je radionicu "Mehanizmi tranzicijske pravde" održane u Sarajevu, organizirane od strane UNDP-a, gdje je predstavljen koncept i važnost tranzicijske pravde u tranzicijskom procesu Bosne i Hercegovine.
- Od 12.-14. juna, Ivona Erdeljac je učestvovala na seminaru u Njemačkoj na temu "Psiho-somatika u slikanju" koji je vodila dr. Gisela Schmeer, psihoterapeut.
- Krajem juna i početkom jula Tenzila Hujdur je učestvovala na Sufi kampu (Plesovi univerzalnog mira) u Njemačkoj zajedno sa Altairom Krvavac iz NVO "Prijateljice".
- U periodu od 26. juna do 2. augusta, Tenzila Hujdur zajedno sa svoja dva suradnika (koji su bili jako aktivni u implementaciji Plesova univerzalnog mira) su učestvovali na seminaru u Njemačkoj.
- Osoblje Amica EDUCA je pohađalo trening u oblasti Fundraising-a.
- Od 26. do 28. septembra tim Amica EDUCA-e je učestvovao na regionalnom treningu projekta "Zagovaranje cjeloživotnog učenja" koje je organizirao DVV- International (Institut za međunarodnu suradnju njemačkog saveza visokih narodnih škola) za jugo-istočnu Evropu (SEE).
- U oktobru je od strane Evropske trenerske fondacije bila organizirana edukacija na temu "Obrazovanje odraslih u Bosni i Hercegovini" u Sarajevu, koja treba da izradi studiju izvodljivosti o obrazovanju odraslih u Bosni i Hercegovini unutar projekta " Mogućnost da se odgovori zahtjevima Evropske komisije".

Debate, okrugli stolovi, konferencije, prezentacije:

- Amica EDUCA je učestvovala na debati koju su organizirali Centri za promociju civilnog društva i Referentna grupa Tuzla uz pomoć Ureda visokog predstavnika i specijalnog predstavnika EU u Bosni i Hercegovini Miroslav Lajčak 6.marta. Cilj debate je bio poticanje civilnog učešća u svim lokalnim faktorima koji su zainteresirani za EU integracije.
- Predstavnici Amica EDUCA su učestvovali na prezentaciji IPA programa (Instrument za predpristupnu podršku) održanoj 19.marta koje se odnosila na transregionalnu suradnju.
- U periodu od 14. do 16. marta dvije predstavnice Amica EDUCA-e su bile u Baku, Azerbejdžan, učestvujući na UNESCO Konferenciji o pismenosti, obuhvatajući Evropu sa subregionalnim fokusom na centralnu, istočnu i jugoistočnu Evropu i baltičke zemlje.
- 17. juna su predstavnici Amica EDUCA-e bili na javnom raspravi o Draftu teksta strategije prevencije nasilja u porodici praćenim Akcionim planom za Federaciju Bosne i Hercegovine koju je organizirao Gender Centar.
- 18. juna predstavnici Amica EDUCA su učestvovali na javnoj tribini na temu "Vrijednosti tradicionalne i moderne porodice u vrijeme njene aktualne krize" koju je organiziralo porodično savjetovništvo u Sarajevu.
- 7. jula predstavnici Amica EDUCA su pohađali seminar na temu "IPA (Instrument za predpristupnu podršku) instrumenti i programiranje".
- Predstavnici Amica EDUCA su učestvovali na uvodnom sastanku gdje su bile predstavljene mogućnosti za trening za Lične poslovne vještine. Sastanak je organizirao dvv International.
- 26. augusta, Šuhreta Babić i Selma Aličić su posjetile Centar za rehabilitaciju ovisnika o psiho-aktivnim drogama koji je smješten u Smoluči, malom selu blizu Tuzle. Prisustvovala su prezentaciji Centra koja je organiziran povodom četvrte godišnjice od osnivanja.
- 1. Septembra, jedna od članica tima je učestvovala na konsultativnom sastanku koji se odnosio na uspostavljanje Fonda za implementaciju Bosansko-hercegovačkog Akcionog plana, koji je bio održan u Sarajevu. Cilj sastanka je bila prezentacija projekta i diskusija o ponudama programa i strukture Fonda.
- 25. septembra u Sarajevu je bila organizirana javna debata "Doprinos NVO sektora razvoju bosansko-hercegovačkog sistema obrazovanja odraslih".
- Kao članice Evropske asocijacije za obrazovanje odraslih (EAEA) dvije članice tima Amica EDUCA su prisustvovala generalnoj skupštini i konferenciji "Stvaranje interkulturalnih zajednica" koja je održana u Irskoj od 20. - 21. oktobra.
- Udruženje " Obrazovanje gradi Bosnu i Hercegovinu" je organiziralo okrugli sto na kojem su učešće uzeli i predstavnici Amica EDUCA-e.
- Dva predstavnika Amica EDUCA-e su u decembru učestvovala na regionalnoj konferenciji na temu "Obrazovanje odraslih" koju je organiziralo Udruženje za istraživanje i organizacijski razvoj (RODA).

Fundraising

Tokom 2008. finansijska podrška je bila obezbjeđena od partnerske organizacije Amica SCHWEIZ i sljedećih donatora:

- Institut za međunarodnu suradnju njemačkog saveza visokih narodnih škola
- Federalno Ministarstvo pravde
- Vlada Tuzlanskog kantona
- Općina Tuzla

Osim navedenog, prijedlozi projekata su aplicirani i kod drugih donatora, čija se podrška očekuje za narednu godinu:

- Institut otvoreno društvo (Međunarodni ženski program)
- Švedska donatorska organizacija "Forum Syd" (u suradnji sa švedskom organizacijom "Adoptionscentrum")
- Ministarstvo rada i socijalne politike

Ostale aktivnosti

- Uspostavljena je suradnja sa HUMAK univerzitetom iz Finske kroz pisanje projekta za Evropsku komisiju, ali i kroz asistiranje njihovim studentima u izvođenju njihovog praktičnog rada. U periodu februar - maj 2008. godine Amica EDUCA je ugostila studenticu/volontera iz Finske, Sirja Salminen, studentica HUMAK univerziteta koja je radila svoj diplomski rad na temu mladi i rad u zajednici.
- Prema odredbama i Zakonu o zaštiti od požara, Amica EDUCA je obavezna da ima odgovarajuću dokumentaciju i, aparate za gašenje požara kao i obučeno osoblje za rukovanje aparatima. Amica EDUCA je u junu organizirala trening za osoblje, servisirala postojeću opremu za zaštitu od požara i kupila jedan novi koji nam je nedostajao, pripremila organizacijski pravilnik o zaštiti od požara.
- U maju (zadnji vikend) je bila organizirana posjeta četiri članice švicarskog Upravnog odbora (gđa. Marie Louise Bohny, gđa. Andrea von Bidder, gđa. Orla Oeri, gđa. Edit Baumgartner). Sastanak je bio organiziran sa članovima švicarskog Upravnog odbora, Upravnog odbora Amica EDUCA-e i timom Amica EDUCA-e. Glavna tema sastanka je bio Ugovor "Zajednički izraz volje" koji Amica Schweiz i Amica EDUCA žele potpisati radi reguliranja načina i oblika buduće saradnje i rada Udruženja "Amica EDUCA". Također, to je bila mogućnost za švicarski Upravni odbor da im se predstave organizacije kao što su "Viva žene" i "Prijateljice" kao i da posjete centar grada i predgrađe Tuzle.
- Članica tima, Tenzila Hujdur je prevela knjigu čiji je originalni naslov "Auf, zum Tanz!" čiji su autor Arianne i Wim van der Zwan i štampana početkom aprila.
- Nastavljen je intenzivan rad u aktivnostima Referentne grupe Tuzla. Pored kontinuiranog rada, posebno je bio intenzivan rad na zajedničkim aktivnostima u podršci žena žrtava nasilja u okviru Radne grupa za psihosocijalnu podršku.
- Sa Referentnom grupom smo bili uključeni u medijsku kampanju o obrazovanju odraslih.
- U ovoj godini dali smo finansijsku donaciju za:
 - Javna kuhinja Humanitarne organizacije "Merhamet" u vidu namirnica.
 - Mladić, Kupusović Sead, iz Tuzle (19 godina) koji ima rak stomaka i potreban mu je novac za drugu operaciju u Zagrebu (140 KM) Dolazi iz porodice niskog socijalnog standarda, ima bolesne roditelje i skuplja donacije zajedno sa svojim bratom.
 - Osmomjesečnom dječak sa višestrukom dijagnozom i potrebna mu je operacije (100KM).

Medijska promocija aktivnosti Amica EDUCA-e i donatora

Promocija je povremeno bila intezivirana u skladu sa projektima i aktivnosima.

Amica Educa je koristila sljedeće medije za promoviranje aktivnosti i donatora:

- internet (kreiran je novi web site)
- elektronske medije (aktivnosti SOS telefona kao i druge aktivnosti uključujući i Festival cjeloživotnog učenja su bile promovirane putem radio i TV emisija).

Statistički podaci za 2008. godinu

EDUKATIVNI PROGRAM (dodatna edukacija profesionalaca i omladine)				
Br.	Naslov teme		Broj seminara	Broj učesnika
1	Kreativno izražavanje slikanjem	Trening za trenere (sa lokalnim voditeljima)	1	9
		Edukacija profesionalaca	4	35
		Praktična obuka studenata: Tandem Univerzitet - Amica Educa	15	156
2	Porodična dinamika	Edukacija studenta	2	26
3	Plesovi univerzalnog mira	Edukacija nastavnika religijske kulture (Mudrost planete zemlje)	4	61
4	Nenasilna komunikacija	Edukacija za nastavnike osnovnih škola	2	20
5	Art terapija	Edukacija profesionalaca	9	145
UKUPNO (dodatna edukacija profesionalaca i omladine)			40	452

EDUKATIVNI PROGRAM (Festival cjeloživotnog učenja u BIH 2008.)			
Br	Naslov aktivnosti / projekta	Broj radionica	Broj učesnika
1	Radionica "Socijalne vještine" za studente	12	24
2	Okrugli sto – Centralna manifestacije projekta		38
UKUPNO (Festival cjeloživotnog učenja u BIH 2008.)			62

EDUKATIVNI PROGRAM (ostale radionice)			
Br	Naslov aktivnosti / projekta	Broj radionica	Broj učesnika
1	Radionica "Vitality management"	2	25
2	Radionica "Dječja prava u sklopu projekta ' Učimo o ljudskim pravima' "	3	12
3	Radionica "Bajke su slike duše"	1	16
4	Radionica "Ljudska prava i participativne metode"	1	19
5	Radionica Plesova univerzalnog mira u suradnji sa "Plamen mira"	1	35
6	"Zemlja bez granica - ZEDA"	7	102
7	Sesije "Plesovi sveopćeg mira u kući "Plamen mira" i u Udruženju "Snaga žene"	2	50
8	Sesije "Plesovi univerzalnog mira" za žene sa rakom dojke koje dolaze iz Udruženja "Tuzlanke"	1	20
UKUPNO (ostale radionice)		18	279

EDUKATIVNI PROGRAM	Broj učesnika
EDUKATIVNI PROGRAM (dodatna edukacija za profesionalce i omladinu)	452
EDUKATIVNI PROGRAM (Festival cjeloživotnog učenja u BIH 2008.)	62
EDUKATIVNI PROGRAM (ostale radionice)	279
UKUPNO EDUKATIVNI PROGRAM	793

PSIHOSOCIJALNI PROGRAM (grupne aktivnosti)				
Br	Naslov projekta /aktivnosti	Broj grupa	Broj sesija	Broj korisnika
1	Kreativno izražavanje slikanjem za djecu	1	36	8
2	Meditacija u pokretu i reiki	1	44	20
3	Rekreativna gimnastika	3	212	30
4	Yoga	3	160	25
5	Rad sa grupama (žena i djece) izbjeglice iz Snagova	2	10	20
6	Rad sa grupom žena izbjeglica iz Tinje	2	12	19
UKUPNO (grupnih aktivnosti)		12	474	122

PSIHOSOCIJALNI PROGRAM (individualne aktivnosti)			
Br	Naslov projekta /aktivnosti	Broj sesija	Broj korisnika
1	SOS telefon	-	302
2	Individualni psihološki tretmani i terapija	76	17
3	Relaksacione masaže	316	73
4	Tertmani neuroemocionalne integracije (NEI)	15	3
UKUPNO (individualne aktivnosti)		407	395

IZVJEŠTAJ O FINANSIJSKOM POSLOVANJU UDRUŽENJA "AMICA EDUCA" ZA PERIOD 01.01. – 31.12.2008.god.

Realizacija programskih ciljeva AMICE EDUCE u 2008. godini, ogledala se putem **edukativnog programa** (organiziranje seminara i radionica na teme: Porodična dinamika sa elementima tjelesne terapije, Plesovi sveopćeg mira, Nenasilna komunikacija, Izražavanje slikanjem, Art-terapija), putem **programa podrške pojedincu i porodici** (alternativni program prevencije mentalnog zdravlja), putem **SOS telefona** (podrška pozivateljima sa akcentom na podršku ženama i djeci žrtvama nasilja). Finansijsku podršku za realiziranje istog pružala je partnerska organizacija "Amica Schweiz".

U toku 2008. godine osim osnovnih programskih planova realizirani su slijedeći projekti:

- "Tandem Univerzitet – Amica EDUCA", finansiran od strane Amica Schweiz, iz sredstava posebno namjenjenim za ovaj projekat
- "Festival cjeloživotnog učenja u BiH 2008." finansiran od strane DVV-international (Ured u Sarajevu) i Federalnog Ministarstva pravde.
- "Edukacija za kreativnu i prosperitetnu nastavu u devetogodišnjem obrazovanju" finansiran od strane Vlade Tuzlanskog Kantona.
- Projekat "Učim, vježbam, primjenjujem – gradim moje sutra" finansiran od strane Općine Tuzla

U finansijskom izvještaj dajemo tabelarni prikaz prihoda i rashoda ostvarenih u 2008.godini, sa uporednim podacima iz 2007.godine.

PRIHODI			
N A Z I V	2007.god	2008.god	Indeks
Prihodi od članarine	130	180	138
Prihod iz budžeta Federacije (Federalno Ministarstvo pravde)	5000	5000	100
Prihodi iz budžeta Tuzlanskog Kantona	4000	3667	92
Prihod iz budžeta Općine Tuzla	1500	2000	133
Prihodi po projektu Službe za zapošljavanje	5400	0	0
Novčane donacije AMICA SCHWEIZ	92759	82295	89
Namjenska donacija (DVV - international Sarajevo) Festival učenja	9779	10757	110
Namjenska donacija - Projekat Canadske ambasade	3144	0	0
Namjenska donacija - Projekat SDC IBHI	54301	0	0
Ostale novčane donacije od raznih donatora	6064	3194	53
Prihod od amortizacije- RS 20 don st sred	7235	6972	96
Prihodi od kotizacija za seminare	940	1470	156
Prihodi od iznajmljivanja poslovnih prostora	13871	14848	107
Ostali prihodi od aktivnosti	4094	4835	118
Ostali prihodi	139	0	0
Korekcija prihoda za ulaganja u stalna sredstva	-1247	-75	6
TOTAL PRIHODI	207109	135143	65

Prihodi su ostvareni u iznosu od 135.143 KM , što je u odnosu na 2007. godinu smanjenje za 35%.

RASHODI			
N A Z I V	2007.god	2008.god	Indeks
Materijal za realizaciju programskih ciljeva	7319	7523	103
Materijal za održavanje kuće i opreme	1537	1917	125
Nabavke i donacije sitnog inventara	246	484	197
Smještaj i osvježenje za konferencije, seminare, okrugle stolove i dr	12387	891	7
Stručna literatura, publikacije i usluge stručnog usavršavanja	691	324	47
Usluge na ime reklame i propagande, izrade brošure i dr	3171	2174	69
Usluge prevoza u cilju realizacije programskih ciljeva	0	730	0
Putni troškovi i dnevnice u cilju realizacije programskih ciljeva	12660	9810	77
Bruto plaće i naknade zaposlenih	92665	57752	62
Bruto naknade za rad spoljnih saradnika	42641	26740	63
Usluge održavanja kuće i opreme	310	169	55
Komunalne usluge /električna energija, grijanje, voda, odvoz smeća/	6881	7161	104
Usluge BH telecoma	5442	3869	71
Neproizvodne usluge /revizorske, računovodstvene, advokatske/			
Oglasi, prevođenje, taxe i provizija banci	8540	5159	60
Rashod na ime poreza na prihod od imovine	946	334	35
Rashod na ime članarine i novčanih donacija	907	867	96
Rashod na ime otpisa potraživanja	1946	0	0
Rashod na ime osiguranja kuće i opreme	684	524	77
Ostali rashodi	0	14	0
Amortizacija stalnih sredstava	7235	6972	96
TOTAL RASHODI	206208	133414	65
VIŠAK RASHODA NAD PRIHODIMA	0	0	0,0
VIŠAK PRIHODA NAD RASHODIMA	559	1729	309,3

Rashodi su ostvareni u iznosu od 133.414 KM, što je u odnosu na 2007. godinu smanjenje za 35%.

Iz prikazanog tabelarnog prikaza rashoda, može se zaključiti da su svi rashodi u odnosu na 2007.godinu u smanjenju, zato je došlo do smanjenja projekata.

Organizacija je završila poslovnu godinu sa viškom prihoda nad rashodima u iznosu od 1.729 KM.

Samostalni računovođa
Milica Salaj

PLAN RADA UDRUŽENJA "AMICA EDUCA" ZA 2009.godinu

U skladu sa statutarnim ciljem A definisan je glavni cilj Udruženja Amica Educa:

Doprinos razvoju civilnog društva, poboljšanje kvaliteta življenja i stvaranje okruženja za brže zapošljavanje pojedinaca i porodica, u regiji Tuzla i šire u BiH, putem transfera novih znanja, psihosocijalne podrške, cjeloživotnog učenja i primjenom savremenih i alterantivnih metoda u psihosocijalnom radu.

U skladu sa statutarnim ciljem B definisan je projektni cilj Udruženja Amica Educa:

Kontinuirana stručna edukacija profesionalaca u psihosocijalnom i pedagoškom radu, podrška zaživljavanju reformi u sistemu obrazovanja i socijalne zaštite uvođenjem inovativnih i kreativnih pristupa u ove oblasti.

U skladu sa projektnim ciljem B, planirana je realizacija aktivnosti edukativnog programa:

EDUKATIVNI PROGRAM				
Br	Tema seminara	Voditeljica-e	Datum	Dana seminara
1.	Kreativno izražavanje slikanjem	lokalne voditeljice	mart – maj	6
2.		Annegreth Zimmermann	juni	6
3.	Kreativno izražavanje slikanjem - Tandem Projekt	lokalne voditeljice	februar – mart	18
4.	Plesovi sveopćeg mira	Gita Onnen	maj	5
5.		Tenzila Hujdur	februar - april	6
			septembar – decembar	9
6.	Porodična dinamika	lokalne voditeljice	februar – maj	6
7.		Erika Uhl	oktobar – novembar	1
8.	Nenasilna komunikacija	Ivona Erdeljac	januar	3
9.		I. Erdeljac, S. Gazibegović	april/juni/novembar	3
10.	Art - terapija	Ann Cornelissen	april	3
			juni / oktobar	6
				72

U skladu sa statutarnim ciljem C definisan je projektni cilj Udruženja Amica Educa:

Psihosocijalna podrška i preventivna zaštita zdravlja pojedinaca i porodica primjenom novih znanja iz oblasti modernih i kreativnih metoda u psihosocijalnom radu i razvoj svijesti o potrebi istih

U skladu sa projektnim ciljem C, planirana je realizacija aktivnosti programa podrške pojedincu i porodici:

PROGRAM PODRŠKE POJEDINCU I PORODICI			
Projekt	Aktivnost	Osoba/e zadužena/e za realizaciju	Kada
SOS Telefon	Psihosocijalna podrška i savjetovanje putem telefona	Šuhreta Babić Zlata Nišić	Radni dan (09 –16h)
	Individualne (psihosocijalne) terapijske sesije	Šuhreta Babić Zlata Nišić	Radni dan (09 –16h)
Grupa djece „Kreativno izražavanje slikanjem“	Radionice sa školskom djecom (6 - 11 godina)	Samira Huremović	1 x sedmično
Rekreativna gimnastika	Radionice sa grupom žena 1	Azra Dobrinić	2x sedmično
	Radionice sa grupom žena 2	Azra Dobrinić	2x sedmično
	Radionice sa grupom žena 3	Azra Dobrinić	2x sedmično
Grupa „Plesovi univerzalnog mira“	Radionice sa grupom žena	Tenzila Hujdur	1x sedmično
Grupa „Reiki tretmani“	Radionice sa mješanom grupom (žene i muškarci)	Tenzila Hujdur Adem Šehić	1x sedmično
	Rad sa pojedincima	Tenzila Hujdur Adem Šehić	Po zakazan. terminu
Tretmani „Relaksaciona masaža“	Rad sa pojedincima	Almasa Alić	Radni dan (17 –20h)

OSTALI PROJEKTI I PROJEKTNE AKTIVNOSTI		
Aktivnost	Osobe zadužene za realizaciju	period održavanja
Mirovni plesovi u Osijeku, Hrvatska partnerstvo na projektu	Tenzila Hujdur	avgust
Personal and Bussines Skills – Expert	Lokalne voditeljice	po odobrenom projektu
Radionica "Storycrafting"	Sini Korhonen	januar – mart
Promocija aktivnosti "Amica EDUCA" na muzičkom štandu u gradu	Matias Zimmermann	juni
Godišnja skupština	tim	februar
Festival cjeloživotnog učenja 2009	tim	maj – decembar
Okrugli sto / Debata		novembar


OKVIRNI FINANSIJSKI PLAN ZA 2009.god.

PRIHODI		
Br.	Opis	Iznos u KM
1.	Donacija "Amica Schweiz"	46.700,00
2.	Donacije Vlada TK, Općina, Ministarstva...	17.000,00
3.	Donacija Švedska donatorska organizacija "Forum Syd"	10.000,00
4.	Donacija za projekt "10. Festival cjeloživotno učenja u BiH " od "dvv-international"	20.000,00
5.	Donacija za projekt "Tandem Univerzitet – Amica EDUCA" od Amica Schweiz	19.000,00
6.	Donacija za rad sa grupom žena i djece povratnika u Snagovo (Zvornik) od NdL.eV	9.500,00
7.	Donacija za rad sa grupom žena prognanica iz Tinje (Srebrnik)	4.000,00
8.	Donacija - Holandska fondacija za centralnu i istocnu Europu	8.000,00
9.	Ambasada Švicarske	3.000,00
10.	Institut otvoreno društvo (Međunarodni ženski program)	8.000,00
11.	Prihodi od usluga, članarina	13.500,00
UKUPNO PRIHODI		158.700,00

RASHODI		
Br.	Opis	Iznos u KM
1.	Troškovi realizacije projektnih aktivnosti (edukativnog p. i programa podrške pojedincu i porodici)	36.450,00
2.	Bruto naknade za rad zaposlenih i saradnika	40.750,00
3.	Troškovi realizacije projekta "10. Festival cjeloživotno učenja u BiH "	20.000,00
4.	Troškovi projekta "Tandem Univerzitet – Amica EDUCA" od Amica Schweiz	19.000,00
6.	Troškovi projekta - Rad sa grupom žena i djece povratnika u Snagovo (općina Zvornik)	9.500,00
7.	Troškovi projekta - Rad sa grupom žena prognanica iz Tinje (Srebrnik)	4.000,00
	Troškovi projekta "Ljudska prava – ženska prava" (donacija Ambasade Švicarske)	3.000,00
8.	Troškovi projekta "Lične i profesionalne vještine" (donacija Holandske fondacije)	8.000,00
9.	Troškovi projekta "Licem u lice sa ženskim pravima" (donacija Instituta otvoreno društvo)	8.000,00
10.	Troškovi projekta "Prevenција odvajanja djece od roditelja" (donacija Forum Syd)	10.000,00
UKUPNO RASHODI		158.700,00

Tuzla, 27.02.2008.

Direktorica Udruženja "Amica EDUCA"



 Selma Aličić